

Stáhtaráđi ášahus

ráfáiduhtton elliid dagahan vahágiid ovddalgihtii eastadeamis ja buhttemis addojuvvon stáhtaráđi ášahusa 2 ja 7 § rievdadeamis

Stáhtaráđi mearrádusa mielde
rievdaduvvo ráfáiduhtton elliid dagahan vahágiid ovddalgihtii eastadeamis ja buhttemis addojuvvon stáhtaráđi ášahusa (115/2023) 2 § 1 ja 3 momeanta sihke 7 §, dakkárin go dat leat, 2 § 1 ja 3 momeantta ášahusas 678/2024 sihke 7 § oassin ášahusas 678/2024, čuovvovaččat:

2 §

Eurohpa uniovnna stáhtadoarjjamuddema guoskadeapmi

Eallinvuoibmeguovddáš ii oáččo miedihit ráfáiduhtton elliid dagahan vahágiid ovddalgihtii eastadeamis ja buhttemis addojuvvon lága 10 §:s dárkkuhuvvon veahki, 15 §:s dárkkuhuvvon buhtadusa dehe 26 §:s dárkkuhuvvon doarjaga eanan- ja meahccedoallosuorggi ja dálanguovloviidodagaid stáhtadoarjagis addojuvvon komišuvnna háltelinnjáid (2022/C 485/01) 23 čuoggás dárkkuhuvvon fitmodahkii, mas leat váttisvuodát. Buhtadusa dehe doarjaga oázžu dattetge miedihit, juos váttisvuodát šaddet buhttenvuloš vahátdáhpáhusas.

Eallinvuoibmeguovddáš galgá almmustuhttit almmolaš diehtofierpmis dieduid 1 momeanttas namuhuvvon háltelinnjáid 112 čuoggás dárkkuhuvvon dieduin.

7 §

Dieduid diedihan- ja seailluhangeatnegasvuohta

Eallinvuoibmeguovddáš galgá bivdagis doaimmahit eanan- ja meahccedoalloministeriijai 2 § 1 momeanttas namuhuvvon háltelinnjáid 650 čuoggás dárkkuhuvvon jahkemuitalusa gáibidan dieduid ráfáiduhtton elliid dagahan vahágiid ovddalgihtii eastadeamis ja buhttemis addojuvvon lága vuodul miedihanvuloš vehkiid ja buhtadusaid oasis.

Eallinvuoibmeguovddáš galgá diedihit eanan- ja meahccedoalloministeriijai dieduid Eurohpa uniovnna doaimmas dahkkojuvvon soahpamuša 107 ja 108 artihkkala guoskadeamis doarjagii, main lean unnán mearkkašupmi, guolástan- ja čahcegilvinsuorggis addojuvvon komišuvnna ášahusa (EU) N:r 717/2014 vuodul miedihuvvon doarjagiid álbmotlaš badjeráji gáibádusaid čuovvuma várás.

Eallinvuoibmeguovddáš galgá seailluhit dieduid 1 momeanttas namuhuvvon lága mielddasá veahkke- ja buhtadusmearrádusain sihke guolledoalloveahkkemearrádusain, mat vuodđuduvvet guollegoaskima bessemii, logi jagi áigge.

Dát ášahus boahtá vuoibmái ođđajagimánu 1 beaivvi 2026.

1322/2025

Helssegis 18.12.2025

Biras- ja dálkkádatministtar Sari Multala

Láhkaásahanhoavda Johanna Korpi